

Na osnovu člana 16. stav 4. Zakona o Vladi Zeničko-dobojskog kantona–Prečišćeni tekst (“Službene novine Zeničko-dobojskog kantona”, broj 7/10), razmatrajući zaključak Skupštine Zeničko-dobojskog kantona broj 01-14-8763/14 od 23.04.2014. godine, te zauzimajući stav po tački 3. istog, Vlada Zeničko-dobojskog kantona, na 166. sjednici održanoj dana 27.05.2014. godine,
d o n o s i

ZAKLJUČAK

I.

Cijeneći odgovornost Vlade prema Skupštini Zeničko-dobojskog kantona za provođenje utvrđene politike, kao i potrebu racionalizacije svih troškova u procesu očuvanja stabilnosti i likvidnosti Budžeta, ali i vlastitu odgovornost za zakonito, potpuno, efikasno i profesionalno obavljanje poslova, Vlada u načelu podržava stav Skupštine da se zaustave zapošljavanja u javnom sektoru, izuzev u slučajevima u kojima nemogućnost zapošljavanja može ugroziti izvršenje Ustavom i zakonom utvrđenih nadležnosti kantonalnih organa.

II.

Konkursne procedure koje su u toku ili u završnoj fazi realizacije, za čije provođenje je Komisija dala prethodnu saglasnost za popunu radnog mjesta u slučajevima kada je od strane rukovodioca organa obrazložena nužnost popune i za koja su osigurana sredstva za plaće i druge naknade, treba, u skladu za zakonskim propisima i okončati.

III.

Vlada Kantona izražava spremnost za postupanje po zahtjevima Skupštine definisanim odredbama člana 192. i 193. Poslovnika Skupštine Zeničko-dobojskog kantona – Novi prečišćen tekst (“Službene novine Zeničko-dobojskog kantona” broj 7/12 i 12/13), shodno svojim ustavnim i zakonskim obavezama i ovlaštenjima.

IV.

Zaključak stupa na snagu danom donošenja.

Broj: 02-_____/14.
Datum, 27.05.2014. godine
Zenica

PREMIJER

Munib Husejnagić, dipl.ing.maš.

DOSTAVLJENO:

1x Svim ministarstvima,
1x Stručna služba Skupštine,
1x a/a.